

瘍醫準繩卷之二

金壇王肯堂輯

瘦樵程永培校

潰瘍

大法癰疽已破膿出者是也

集驗云癰疽既破膿

出肉腐當用拔毒膏貼之邪氣漸退氣血亦虛脉之  
洪數漸宜減退當內補托裏必使氣血滋榮正氣強  
盛膿色鮮濃赤腫漸收藥宜補氣生血秋冬微加禦  
風寒之藥十宣散十全大補湯中用桂是也氣滯加  
香附如毒勢大退氣血未復多宜用人參當歸黃芪  
四物湯之類癰疽雖已見膿根脚赤暈反展開闊或



瘍醫準繩卷之二

金壇王肯堂輯

瘦樵程永培校

潰瘍

大法癰疽已破膿出者是也

集驗云癰疽既破膿

出肉腐當用拔毒膏貼之邪氣漸退氣血亦虛脉之  
洪數漸宜減退當內補托裏必使氣血滋榮正氣強  
盛膿色鮮濃赤腫漸收藥宜補氣生血秋冬微加禦  
風寒之藥十宣散十全大補湯中用桂是也氣滯加  
香附如毒勢大退氣血未復多宜用人參當歸黃芪  
四物湯之類癰疽雖已見膿根脚赤暈反展開闊或



不痛或大痛此毒氣不退金銀白芷散十宣散去厚  
朴桂倍人參川歸黃芪加忍冬藤連翹犀角  
消毒之藥春末夏間及秋初宜加酒芩黃連黃芩  
活腰已下可去桔梗見膿後須以補氣血藥爲主  
毒藥助之或不宜於補藥者宜忍冬丸四圍腫處  
用毫針燒赤刺之約一米深紅腫則縮服藥脉得和  
緩爲佳或破後不潰瘡口堅硬者風也用蜈蚣散傳  
之或蠹肉不腐用雄黃輕粉敷之大忌紅腫不退或  
飲食進少從權且調理脾胃或兼他證又另議藥治  
腐肉不知痛痒正黑者可去之但不傷四畔好肉及

裏面良肉當去外之黑腐者下皆去黃白如絮之狀  
膿內有紅血絲路又不可動此項大膿次日必自脫  
落庶免傷其良肉若怕刀硬三四日必自脫落但用  
刀去者新肉易長毒氣漸消凡腐肉亦有少臭氣腐  
敗去後則無變四圍腐者漸漸去令淨用長肉膏貼  
間日用豬蹄湯洗新肉長如梅李如石榴子紅活可  
愛日見堆阜或上有白膜皆是吉兆若腐敗去後下  
面良肉色白而平略無紋理亦不能如米如粟不見  
漸生之意或膿水清淡或臭此積毒內運五臟血氣  
枯竭乃是危證肉不能長氣血不榮衛氣不護瘡則



風寒着之用北艾黃芪湯熏洗生肌長肉藥傳之用  
乳香膏長肉等膏貼之或肉雖長起色紫者遺毒也  
用地榆湯活血散敷追毒膏貼之卽自紅活瘡口漸  
收仍用長肉膏貼或瘡口痒用細茶蔥鹽煎湯洗  
或瘡口易收乃氣血中熱毒故不分消卽使長肉必  
防流注之患或更迷違瘡口如錢大時恐轉他證危  
殆凡癰疽瘡口已收但皮嫩未可便去膏藥 鬼遺  
方云凡發背及癰疽皆在背上不問大小有疼無疼  
或熱或不熱或冷或不冷但從小至大腫起至一尺  
已上者其赤腫焮熱者卽用緊急收赤腫藥圍定不

令引開中心卽用抽膿聚毒散貼之急令散毒外透  
內服排膿縮毒內托湯藥候膿成相次破穴看瘡大  
小深淺內發其膿汁膿水大泄急須托裏內補雖破  
穴膿汁不多再須排膿拔毒透後慎不令再腫須疼  
止腫消患人自覺輕便卽是順疾也最宜節慎飲食  
其熱毒方盛或發大渴多飲冷水及冷漿之類此是  
毒氣攻心令口乾煩渴但以心氣藥內補臟腑卽止  
矣

內補謂參芪之屬排  
膿謂皂角刺之屬

〔薛〕膿熟而不潰者陽氣虛

也宜補之如聖愈湯之類  
瘡肉不腐者宜太補陽  
氣更以桑柴火灸之  
不作膿膿不潰氣虛也托裏

消毒散去金銀花白芷連翹三味加參朮肉桂如不  
應暫用十全大補湯腫赤作痛血凝滯也本方加  
乳香沒藥如不應暫用仙方活命飲膿出反痛者  
血虛也去三味加參芪歸地潰後食少無睡或發  
熱者虛也宜補之內補黃芪湯之類倦怠懶食  
少不睡者虛也宜補之黃芪人參湯之類寒氣襲  
于瘡口不斂或陷下不斂者溫補之十全大補湯  
脉大無力或濇而微肌肉遲生者氣血俱虛也峻補  
之十全大補湯倍用參芪肉赤而不斂血虛有熱  
也托裏消毒散去三味加熟地丹皮肉黯而不斂

陽氣虛寒也前散去三味加參芪白朮官桂湯  
不痛或肉死不潰脾氣虛也前散去三味加人參白  
朮如不應加薑桂更不應急加附子肉白而不飲  
陽氣虛也前散去三味加參芪歸朮膿多而不飲  
氣血虛也前散去三味加參芪歸朮熟地黃如不應  
暫用十全大補湯飲食少思而不飲胃氣虛也前  
散去三味加參芪如不應暫用補中益氣湯飲食  
難化而不飲脾氣虛也前散去三味加參朮如不應  
暫用六君子湯又不應佐以八味丸膿多而帶赤  
血虛也前散去三味加歸地參朮如不應暫用八珍



湯加牡丹皮

出血作痛發熱等另分條在後

辨膿集驗云

脉緊而數爲膿未成緊去但數爲膿已

成以手按上熱者爲有膿不熱者爲無膿按之牢硬

未有膿也按之牢軟半聊已有膿也太軟方是膿成

也大按之痛者膿深也按之不甚痛者未成膿也按

之卽復者爲有膿也不復者無膿也小按便痛薄皮

剝起者膿淺也按之四痛皮色不變不高阜者膿深

也淺者宜藥點破高突者宜鍼針深者宜烙更詳虛

實何如腫處軟而不痛者血瘤也發腫日漸增長而

不大熱時時牽痛者氣瘤也虛腫而黃者水也氣結

微腫久而不消後亦成膿此是寒熱所爲也留積  
久積陰生陽寒化爲熱以此潰必成癰宜早服內  
藥以排之諸癰瘤疔贅等至年衰皆自內潰不一於  
補養而妄行攻蝕必有性命之憂至於癰癰結核寒  
熱發渴經久不消其人面色萎黃被熱上蒸已成膿  
也治見本條手足指稍及乳上宜膿熟大潰方可開之麻  
痘後肢節上癰稍覺有膿便須決破遲則成攣曲之  
疾

取膿凡瘡腫以手指從瘡旁按至四畔上赤黑者按  
之色不變膿已結成又按之隨手赤色此亦有膿按

之白良久方亦遊毒已息可就赤白色盡處灸斷瘡  
肉平實久而方消夫癰則皮薄腫高疽則皮厚腫  
堅初發並宜灼艾惟癰膿成則宜針疽膿成則宜烙  
切宜孰視詳審候其潰熟膿透於外其勢盈盈  
出只用替針丸自瘡頭咬開不半日許其膿自出切  
不可用針刀也

丹溪云精要論戒用針刀  
業外科者當拳拳服膺

替針丸 治癰疽已潰未破或破後膿出不快者

白丁香 壹字

礪砂 壹字  
以上

沒藥

乳香 各壹字

石灰餅藥內種糯米拾肆粒其法用石灰伍升爐

灰叁升以水伍升淋取清汁入大鍋內熬濃汁  
叁貳升用瓦器盛貯臨用時以小青盞盛取半盞  
濃汁却用皮紙貼盞中濃汁面上安定然後取糯  
米拾肆粒種在皮紙面上一宿卽是  
右爲細末糯米飯丸如麥粒大每用壹粒未破用  
津貼瘡頭薄處卽破膿滯不快則用壹粒納瘡口  
內使膿不滯好肉易生

又方

雄雀糞

貳拾粒

礪砂

陳倉米

沒藥

各壹字

右研勻以米飯丸如粟大每用壹粒貼瘡口瘻中  
卽潰膿出

替針丁香丸

草烏尖

礪砂

白丁香

右爲末酸醋調點將破者令速潰若急則無  
快蜈針一法亦妙見後

梅治諸癰不消已成膿懼針不得破令速決取雄雀  
糞塗頭上乾卽易之雀糞中堅者爲雄

本事治癰疽已有瘡眼未出膿痛不可忍用此藥紙  
卽膿出巴豆壹枚去皮膜不去心油鹽鼓拾肆粒



口中含去皮令軟同研爛真麝香少許如難丸  
少稀糊捏作餅子如鼠糞大大小小臨時看瘡口  
之只以紙撚子送入藥須臾必痛忍之良久膿遂

出

丹出一切瘡口用出蛾繭殼燒存性無灰酒調下每  
服一枚服下一個時辰便有瘡口一個若服兩枚出  
瘡口兩個

精癰成膿宜針其鐵用馬銜鐵爲之形如韭葉兩面  
皆利可以橫直裂開五六分許取其毒血如覺病輕  
須先灸而後裂

要按癰如椒眼數拾粒或如蜂窠

蓮房而膿出痛不除宜用針者以針橫直裂之剗毒

血挾膿出而愈如無椒眼之類只消直入取膿

裂之也又法當椒眼上各各灸之亦佳不必裂也

靈鉞針者末如劍鋒以取大膿素夫癰氣之患者

宜以針開除去之病疑篇王注云息癰也死肉也

治腐腫者刺腐土視癰大小深淺刺刺大者多血小

者深之必端內針爲故正長刺節論○大者多血小者深之八字衍文也大小

深淺刺七字取膿之法盡矣脩矣

精疽成膿宜烙可用銀篦大二分長六寸火上燒令

赤急手熨烙毒上得膿爲効

鬼遺凡癰覺在虛處

及眼不見處皆是惡症如發高腫紫赤皮薄光澤裏有膿毒諸藥貼熗不破者宜用熟銅鍼於腫火燎透先用墨筆點定却當頭以鍼淺刺入隨針出膿者順也有不隨針膿出當用白紙作紐紐入針孔引出膿毒當時腫退可及三分如腫不退是一逆也腫不退疼不除但膿出二逆也膿疼不退患人不覺瘡輕三逆也雖用針破出膿亦無所濟須急用引膿托裏湯藥以助其勢力可也更有癰生實處不問淺深如有膿卽用針烙無害稍緩卽恐傷筋骨內疼凡近筋脉骨節處不得亂行針烙反致他病也患疽初



生赤硬或在虛處毒氣淺或在實處毒氣深切須仔細辨認仍問患人疼痛覺深覺淺其患處瘡頭不拘多少其間須有一個最大者卽是大膿竅當用熟鐵大針頭如釵脚者於麻油燈上燒令熱透以大頭處按定插入一寸或至二寸膿當下恐未有膿毒出却用白紙作絛子絛入候次日取出其膿卽隨絛下矣膿色黃白卽好若赤黑色防後有鮮血出卽患人寒戰不禁其有虛處不得妄行針烙凡患發背覺似有膿成便用大熟鐵針烙當正頭上烙之其烙並用麻油燈上燒令通紅烙入可二寸許初入肉卽須橫